



Na osnovu člana 9. Zakona o kantonalnim ministarstvima i drugim tijelima kantonalne uprave ("Službene novine Hercegovacko-neretvanskog kantona" broj: 4/98, 1/02 i 4/07) i Odluke Vlade broj: 01-1-02-994/21 od 22.04.2022. godine, Ministarstvo obrazovanja, nauke, kulture i sporta HNK, *objavljuje*

JAVNI POZIV

za predlaganje projekata iz oblasti KULTURE

radi sufinansiranja iz sredstava Ministarstva obrazovanja, nauke, kulture i sporta

Hercegovacko-neretvanskog kantona

I. Pravo učestvovanja

Pravo učestvovanja na Javnom pozivu imaju sva fizička lica koja imaju prepoznatljive rezultate u radu, pravne osobe, organizacije i udruženja građana koja su registrovana kod nadležne institucije u HNK za obavljanje poslova iz tražene djelatnosti i koje nemaju smetnje za učestvovanje na Javnom pozivu. Prednost kod raspodjele sredstava imaju organizatori kulturnih događaja te društva i udruženja koja njeguju kulturnu tradiciju duže od 3 godine.

II. Obavezna dokumentacija:

- a. popunjen elektronski prijavni obrazac
- b. kopija rješenja o upisu u registar nadležne institucije
- c. uvjerenje o poreskoj registraciji – identifikacioni broj, a za fizičko lice biografija sa dokumentacijom
- d. kopija ugovora s bankom ili potvrda od banke iz koje se vidi ko je vlasnik navedenog računa
- e. referenc lista, dostaviti neophodnu dokumentaciju kao dokaz za ispunjavanje kriterija navedenih u Javnom pozivu.
- f. projekat koji treba da sadrži: naziv projekta, opis projekta s ciljevima, indikatori učinka, broj učesnika, vrijeme trajanja, informacija o iznosu traženih sredstava.

III. Sredstva za realizaciju projekata iz oblasti kulture u iznosu od 240.000,00 KM dodijelit će se na osnovu bodovnih kriterija:

-stupanj doprinosa afirmaciji kulture područja HNK

od 0 - 200 bodova

-afirmacija stvaralaštva mladih	od 0 - 100 bodova
-afirmacija likovne, pozorišne, muzičko-scenske, plesne, muzejsko galerijske, bibliotečne i izdavačke djelatnosti, kulturno umjetničkog amaterizma, kulturno-historijskog i prirodnog nasljeđa	od 0 - 100 bodova
-njegovanje tradicijsko-kulturnih vrijednosti	od 0 - 100 bodova
-učesća i uspjesi na domaćim i međunarodnim smotrama i takmičenjima	od 0 - 100 bodova
-organizatori kulturnih manifestacija međunarodnog karaktera od značaja za HNK	od 0 - 300 bodova
-organizatori kulturnih manifestacija državnog nivoa od značaja za HNK	od 0 - 200 bodova
-organizatori kulturnih manifestacija kantonalnog karaktera od značaja za HNK	od 0 - 150 bodova
-kulturne manifestacije od značaja za HNK	od 0 – 500 bodova
-prepoznatljivost rada i ostvarenih rezultata u medijima (printani, audio, video, linkovi,...)	od 0 – 100 bodova
-za izuzetne uspjehe pojedinaca	od 0 - 100 bodova

IV. Prijava na Javni poziv popunjava se elektronski na web stranici Ministarstva obrazovanja, nauke, kulture i sporta HNK: www.kultura.monkshnk.gov.ba.

Elektronski popunjenu prijavu s pratećom dokumentacijom, sa obveznom napomenom „**Za Javni poziv iz područja kulture**“, dostaviti osobno ili poštom na adresu:

**Ministarstvo obrazovanja, nauke, kulture i sporta HNK
Stjepana Radića br. 3.
88000 Mostar**

Nepotpune i nepravodobne prijave neće se uzimati u razmatranje.

Rok za podnošenje prijava je 15 dana od dana objavljivanja na web stranici Ministarstva.